



Page: 2

Reach: 0

Country: BOSNIA AND HERZEGOVINA

Size: 305 cm2

1 / 1

Formiran zajednički tim Tužilaštva BiH, SIPA i MUP-a RS-a UHAPŠENI AVDULAH HASANOVIĆ I KA SIM MEHIDIĆ

Privedeno je još nekoliko osoba, a sa lica mjesta izuzeti forenzički tragovi

Nekoliko sati nakon što je 24-godišnji Nerdin Ibrić ubio pripadnika Policijske stanice Zvornik Dragana Đurića, te rano njegove kolege Stevu Milovanovića i Željka Gajića, glavni tužitelj Tužilaštva BiH Goran Salihović izdao je nalog da se formira istražni tim u koji su uključeni državni tužitelji iz Odsjeka za terorizam, kao i istražitelji i stručni suradnici koji će raditi na istrazi u ovom predmetu.

Analiza mobitela

Kako ističu u Tužilaštvu BiH, tužitelji će sa saradnicima i policijskim radnicima MUP-a RS-a i SIPA, te partnerskim institucijama, prikupljati dokaze i vršiti istražne radnje sa ciljem potpunog rasvjetljavanja terorističkog akta u Zvorniku.

- Po naredbi glavnog tužitelja, na mjestu događaja je obavljen uvidaj i izuzeti su forenzički tragovi, a provest će se dalje istražne radnje, s ciljem da se utvrde motivi napada, kao i povezanost drugih osoba ili saučesnika koji su učestvovali u izvršenju ovog djela, rečeno nam je u Tužilaštvu.

Pripadnici zajedničkog tima nekoliko sati nakon samog događaja uhapsili su Avdulaha Hasanovića, zvanog Fatih, iz Šetića kod Zvornika, a čiji je broj telefona pronađen u Ibrićevom mobitelu. Ibrić i Hasanović su se navodno intenzivno družili protekla tri mjeseca. Hasanović je organima gonjenja poznat od ranije, kada je hapšen zbog ratovanja u Siriji. On je, kako je Oslobodjenje to ranije i pisalo, uhapšen u septembru 2014. sa Huseinom Bilalom Bosnićem (kojem se sudi u Sudu BiH, op.a), u akciji Damask. Nakon dva mjeseca provedena u pritvoru, pušten je uz mjere zabrane. Među mjerama koje su mu određene našla se i ona po kojoj je imao obavezu da se svakodnevno javlja u Policijsku stanicu Zvornik. Osim Hasanovića, uhapšen je i K. M, koji je priveden u SIPA i za kojeg nezvanično saznajemo da se radi o Kasimu Me-

hidiću. U svojstvu svjedoka privedeno još nekoliko osoba. Svi su zadržani na saslušanju, a naknadno će biti odlučeno o daljim mjerama. Iz SIPA je jučer saopćeno da je na području Dubnice pretresena prostorija mesdžida s ciljem pronalazjenja i privremenog oduzimanja predmeta koji se mogu dovesti u vezu sa krivičnim djelom terorizam i poslužiti kao dokaz u daljem postupku.

Prema riječima Borisa Grubešića, portparola Tužilaštva BiH, predmet istrage u narednom periodu će biti utvrđivanje motiva napada, kao i pronalazak eventualnih saučesnika. S obzirom na to da su pripadnici SIPA nakon obavljenog uvidaja pretresli nekoliko lokacija u opštini Zvornik i tom prilikom oduzeli nekoliko predmeta koji mogu poslužiti kao dokaz u ovom postupku, upitali smo Grubešića da li su i video-snimci nadzornih kamera postavljениh na zgradi PS-a Zvornik i unutar nje izuzeti, na šta je on odgovorio da se radi o operativnom dijelu istrage o kojem za sada ne može govoriti.

Facebook profil

Ime Nerdina Ibrića jučer je bilo možda i jedno od najtraženih po društvenim mrežama. Iako je na Facebooku ubrzo nakon događaja bio samo jedan profil pod ovim imenom i to slika mladića zagrljenog sa djevojkom, nekoliko sati nakon napada na PS Zvornik, na FB-u su se pojavila još dva profila od kojih je na jednom bila fotografija sa islamskom zastavom.

DAMASK
Hasanović je organima gonjenja poznat od ranije, kada je hapšen zbog ratovanja u Siriji. On je, kako je Oslobodjenje to ranije i pisalo, uhapšen u septembru 2014. sa Huseinom Bilalom Bosnićem u akciji Damask

Hasanović: Intenzivno druženje sa Ibrićem u protekla tri mjeseca

